

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Agens De Rebvs Ecclesiæ Sacris, & profanis, earumque usu, acquisitione,
conservatione, & alienatione

Strein, Johann

Coloniæ Agrippinæ, 1658

§. 3. De Donationibus.

[urn:nbn:de:hbz:466:1-61834](https://nbn-resolving.de/urn:nbn:de:hbz:466:1-61834)

primitias Deo separatum offerant; modò Ecclesiæ suæ modum, moremque uniusque observet. Etenim, quod Jus positivum attinet insertum legibus supra citatis, fere omnibus in locis antiquatum est, ita ut hodie per modum tributi & stipendii decimæ, ac primitiæ solvantur. Quod verò Jus naturale est, manere facet, quoad necessariam Ministrorum Ecclesiæ alimoniam: at quia nunc aliud satis provisum est, hac quoque obligatio neminem ligat. *Azor.* l. 7. c. 38. q. 3. *Bonac.* Tom. 2. p. 354. n. 1. *Silv.* V. *Decimæ.* num. 4. *Tabiena.* *Armilla eod.* *Zerola par.* 1. *V. Decime.* num. 1. *Barb.* in c. *statuimus* 16. q. 1. *Durantus* l. 2. de *Ritibus* c. 26.

§. III.

De Donationibus.

I. **Q**uidam Oblationes & primitiæ sub eodem genere cum donationibus sunt, de his consequenter agendum est. Donatio autem definitur *rei licita nullo iure cogente*, merè liberalitate facta collatio. *Azor.* l. 8. *Rubr.* 33. Nam quæ sub conditione fit, non censetur propriedista donatio. Legitis Donatio est, cum quis ea mente liberalitatis gratia aliquid dat, ut statim accipientis fieri, neque ullo casu ad se reverti velit. *l. 1. ff. de Donationibus.* eaque aboluta & vera donatio dicitur. *l. 35. §. 1. & l. 42. in si ff. de mor. can. donat.* *Connarus* l. 5. cap. 10. *Melioris Tit.* 4. num. 1. Perficitur autem vel traditione rei nulla promissione prævia, vel nudo pacto, & simplici promissione. Hac olim stipulationem require-

bat, nunc modo pacto contenta est. *l. si quis argentum C. de Donationibus.* Contractus nominatus est, unius partis obligatione ligatus. *Iul. Clar.* l. 4. *sent.* §. *Donatio quest.* 1. *Thol. on. in Syntag.* l. 28. c. 7. *VVesenbec.* l. 39. *Pandect.* tt. 5. *Gomez.* Tom. II. cap. 4. *Palao.* *Tract.* 32. *disp.* 2. *Pun.* 1. *Leff.* c. 18. *Dub.* 1. num. 5. *Treutler.* *Voll.* II. *Disp.* 19. num. 1.

II. **D**onationum duo genera sunt, alterum inter vivos, alterum causa mortis. *Inst. de Donationibus.* init. Inter vivos, quando rem donatam malo habere eum, cui dono, quam me. Causa mortis, quando rem mihi, dum vivo, retineo, sed malo eam habere illum, cui dono, quam haeredem meum. Alii aliter definiunt ex *l. 1. ff. de Donationibus.* V. *Palao* loco citat. *Pun.* 13. num. 3. Donatio inter vivos proprio nomine dicitur, quæ neque mortis causa, neque nuptiarum, sed à vivente in viventem solius liberalitatis causa fit; solaque voluntatis testificatione sic perficitur, ut traditionis necessitatem adferat: publicis literis consignati, nisi 500. aureos excedat, non debeat: ab ingrato tamen repeti certis causis possit *l. ult. C. de revoc. don.* *VVesenbec.* in *Pand.* l. 39. tt. 5. *Layman.* l. 3. *tract.* 4. c. 12 num. 3. & 4. *Leffius* cap. 18. *Dub.* 2. *Reginald* l. 25. cap. 61. num. 619. *Onnate Disp.* 31. *sec.* 1. & sequ. *Tusculus Concl.* 661. & seqq. *Fagund.* *de Contr.* l. 4. c. 5.

III. Si qualitatem & modum attendis, Donatio inter vivos alia simplex est, seu absoluta, alia conditionalis, cui nimicum annexa causa est, propter quam habet intellige, sequentem, non præcedentem; quod refertur etiam conditio & modus.

modus. Aliqui in perfectam, seu propriam, & imperfectam seu impropriam dividunt, quod eodem recidit. *Azor. l.8. n.53. Angel. in V. Donatio*, quem alii *Summis* sequuntur.

IV. Inter donationes ob causam celebres est *Donatio propter nuptias*: *Donatio causa dotis*: *Donatio remuneratoria*, & ea, quam supra causam mortis appellavimus. *Donatio propter nuptias* est, qua vir uxori dat in vicem, & securitatem dotis, ab eo pro sustinendis oneribus matrimonii acceptæ. Olim *donatio ante nuptias* vocabatur *l. ult. C. de donat. an. vel pro nupt.* *Donatio causa dotis* sit marito ab uxore pro oneribus matrimonii. *l. pro oner. C. de ju. dotis.* Ea constante matrimonio revocari non potest, nisi maritus ad inopiam declinet, vel bona illius fisco inferantur. *l. si constante juncta l. si marito tt. solu. matr.* *Donatio remuneratoria* sit in vicem praestiti officii, antidotalis nuncupata, per se irrevocabilis. *l. aquilius l. si pater 32. tt. h. t.* E contra revocabilis est *donatio sub modo*, vel conditione (neque enim distinguo) si *praescriptus modus* non servetur ab homine privato. Ecclesiæ enim non oberit nisi expressè cautum sit per clausulam revocatoriam. *Si modus non servetur, irrita donatio est*, aut similis aliqua. *c. Verum de condit. appos. C. de donat. sub modo Baldus, Cynus, Imol. Molina D. 289. Sanch. l. 6. de matr. D. l.*

V. *Donatio saecularis exceedens quantitatem 500. solidorum* (hodie 800. aureos Ungaricos faciunt teste *Weisenbeccio*) absque insinuatione facta invalida censetur jure civili. *l. Sancimus C. de donat.* Non vitiatur tamen, nisi quoad excessum *Gaill. l. 2. obs. 39. Palao Disp. 2. pun. 23. §.*

1. Si autem Ecclesiæ, vel pietatis causa fiat, etiam absque insinuatione valet. Felinus in c. Ecclesiam S. Mariae, & communiter alii DD. Nam Juris Cæsarei leges, nisi ab Ecclesia approbentur nihil illi præjudicant, c. nunquam D. 95. Cæterum insinuatio dicitur, cum Judex à donante rogatus, sua auctoritate donationem approbat: ubi requiritur, ut donans voluntatem suam indicet, ipsaque donatio in scripturam, & acta publica redigatur, hoc est, coram Judice divulgatur, & in actis publicis conscribatur. Hodie tamen usu receptum videtur, ut si donatio scripta Judici indicetur, aut denuncietur, nihil amplius exigat. Onnatus de contract. disp. 30. Sect. 2. Tusch. Concl. 646. n. 70. Ab hac insinuandi necessitate libera est donatio facta in redemptionem captivorum, reparacionem ædium ruina, vel incendio consumtarum: item in milites ab ipsorum prefectis. l. pæn. C. eod. Præterea donationis à Principe Superiore non agnoscente aliqui privato, vel contra à privato Princepi factæ. Glo. in l. Sancim. eod. Onnatus. l. cit. Sect. 9. Palao l. cit. §. 5. Denique insinuacionem juramento suppleri, confirmat. Sancinus, Rubens, Iul. Clarus Gail. l. 2. obs. 39. Lef. 6. 18. D. 13. num. 100.

NOTA. Solidus in Jure Cæsareo pro auro accipitur, quorum 72. libram conficiunt. *l. quotiescunq;. C. de susceptor. Garcar. l. 10. Glo. ibid. in V. aut auri.* Sed quia in singulis ferè Provinciis aliud valor est, ad legales reducere oportet, & curare, ut suppleatur, quantum deest, ad conficiendam libram ex 72. aureis: & quia plerumque minores sunt hodierni nostri, evanire potest, ut septingenti non excedant summam quingentorum, quæ absq; insinuatio-

nuatione legibus permititur. Coloniz, ait Gail. l. 2. obs. 39. n. 4. mille ducentorum, & Aquisgrani duum mille aureorum monete currentis donatio valeret, absq; insinuatione facta. V. Tusch. Concl. 646.

VI. Episcopus, & Prælatus Ecclesiasticus absque consilio Canonicorum, aut fratum suorum non potest magnas donationes facere de rebus Ecclesiæ, aut Monasterii, factasq; revocare licet successori. Neque enim domini rerum, sed administratores, & Procuratores sunt. t. fine exceptione 12. q. 2. c. fraternalitatem 2. de Donat. c. nulli de reb. Eccl. alien. c. Abbatis disp. 54. Vivianus in c. Apostol. de donat. Roder. To. IV. s. 15. Tusch. Concl. 683. Fagund. de Contr. l. 4. c. 3. n. 9. De qua re amplius in Tit. ultimo, ubi de alienatione honor. Eccles. Scimus erit.

VII. Idem de Laicis potestatibus dicendum, posse nimirum Successorem in Regno aliquo vel principatu revocare donationes factas à prædecessore, si inde resp. graviter læsa videatur. Quamvis enim major regum, Principumve, quam Prælatorum Ecclesiasticorum in bonis temporalibus potestas sit, non licet tamē ea que ad Coronam ipsam, ejusque conservationem spectant, tenerè alienare. t. Apostolica eod. tt. Molina tract. 2. de Matalib. D. 576. n. 9. Barb. in cit. Apostolica.

VIII His non obstantibus, cūm de donationibus agitur contra donantem, plenissima interpretatio facienda est, ita tamen ut nemini præjudicetur. q. cūm dilecti 6. de donat. Similiter clausula onerosa post multas donationes posita, proximam tantum respicit. In fine citati cap. additur gradatio notatu digna. In contractibus, inquit, plena, in testamento plenior, in

beneficiis autem (non deviantibus à jure communi) plenissima est interpretatio facienda. Abb. Innoc. Imola. Ostiens. Vivian. in Rationali. Barb. in c. dilecti. de donat. Rota in noviss. decis. part. 1. decis. 366. Alex. Conf. 12. lsb. 2.

IX. Illorum, qui donare non possunt, Silvester undecim, Angelus viginti tria genera numerat. Brevitatem lectantibus pro generali regula sit, neminem jus donandi habere, qui vel propria bona non possidet, vel eorum administratione caret, aut lege prohibetur. Isdem tamen permittitur modicas largitiones, & statui suo convenientes facere. VVesenbec. in Pand. l. 39 tt. 5. n. 4. Tholof. l. 28. c. 7. az. To. III. l. 11. c. 3. q. 1. Laym l. 3. tr. 4. c. 12. Arm. n. 3. Onnatus disp. 30. Sect. 5. Filliuc. tr. 34. c. 2. Escob. tr. 6. exam 4. c. 2. Fagun. l. 4. c. 6. n. 13.

X. Donatio simplex, & mere liberalis facta conjugi à conjugé non continuò firma est, sed pro arbitrio donantis revocari potest. l. 3. §. sciendum. l. sed interim tt. de donat. inter vir. & ux. c. ult. eod. tt. Meloni tit. 44. n. 36. quia amor prodigus est, & inopiam parit Bald. Confil. 29. Eadem tamen morte donantis confirmatur, si nullo modo revocata est. l. Res uxoris. l. donationes, quas parentes. C. de donat. in vi. & Vx. Requiritur autem, ut rei donatæ traditio antecelerit. Excipe 1. conjuges Principes, quorum contractus instar legum obligant. l. pen. C. de donat. in vi. & ux. 2. donationes, in quibus donans non sit pauperior, & accipiens non sit ditior. Gl. in c. donatio eod. tt. 3. Si vir uxori doceat promissam remittat l. si constante. C. de donat. ante nupt. 4. vel si uxorem dotet causa remunerationis, ut si juvencula seni, aut nobilis ignobili nupsit. Glo. in l. 5. vo-

M m Junctate

luntate C. de dotū promiss. §. Si conjux in domo conjugis gratis habitare permittatur, vel illius servis, aut vestimentis ulus fuerit. & Denique si donatio remuneratoria sit. l. quod autem §. si vir ff. de donat. inter vi & ux. Panor. in c. donatio eod. n. 42. Azor. l. cit. Tanner. in 22. D. 6. q. 2. D. 2. n. 25. Gail. l. 2. obf. 39. Tusch. Concl. 690. Meloniū loco cit. num. 37.

XI. Nec omnino firma est donatio patris purè & simpliciter facta filio in potestate suā constitutio. Sitamen res ipsa tradita fuerit, & nēquam revocata, morte patris confirmatur, perinde, ac si ab initio valuisse. l. 2. iunctā Glo V. adminicula C. de in off. donationibus. Palao disp. 2. pun. 26. 6. 1. 3. Trent. Voll II. Disp. 19. n. 3. Illud in dubio est, an simplex donatio facta liberis in potestate patria constitutis post illius mortem conferenda sit? 1. Donatio facta filio emancipato conferenda est. l. ut liberis C. de collationib. 2. facta liberis in patria potestate constitutis post patris mortem non est conferenda, quæ censetur à patre, ut præcipuum filio relictū arg. pæn. C. de collat. Excipe, nisi pater, cùm revocandi jus haberet, voluerit, ut conferretur: vel nisi frater aut soror talem collationem petat, eō quod ipso quoque donationem seu simplicem, seu ob causam v. g. propter nuptias, aut dotem conferre teneantur, ut sic evitetur in æ qualitas. 3. Donatio ob causam facta, puta, propter nuptias, aut dotem post mortem patris, vel avi donatoris conferenda est, juxta l. cit. VI. liberis & l. pæn. C. eod. Excipe, nisi donant expellerit, nolle se, ut filius vel filia hanc partem præcipuum haberet, tamen sine diminutione legitimæ aliis liberis debitæ juxta Auth. ex testa-

mento C. eod. Idem dicendum de donatione facta filii ob ingressum religionis, vel in patrimonii titulum ad sacros ordines suscipiendos, qui per hoc non minus, quam per nuptias stabilem statum acquirunt. 4. Nō conferuntur, quæ filio. famili. ad militiam vel aulam Principis proficiscenti donantur: neque quæ pater filio ad studia literarum mittit l. quæ pater ff. familia herciscundæ. 5. Non conferuntur, quæ filio dedit pater liberè, vel expendit ad instituendam peregrinationem, redimendam captivitatem, solvendam multam ex delicto contractam. l. liber captus C. de captivis: item quæ accepit ad publicos ludos, aliamve honestam recreationem, convivium Doctorale, primicias, ad comparandum beneficium, vel artem addicendam: quia hæc omnia ad decentem, & honestam sustentationem necessaria sunt. l. qua pater ff. herciscundam Molina D. 240. Nav. c. 17. n. 165. Less. c. 18. D. 12. Vasq. de testam. c. 7. n. 147. Laym. l. 3. tract. 4. c. 12. n. 12. Gail. l. 2. ob. 38.

XII. Donatio nondum acceptata revocari pro libitu potest Gomez l. 2. c. 4. Less. 2. c. 18. Palao. Disp. 2. Pun 2. & 31. 8. 4. acceptata verò & perfecta non potest revocari ad libitum donantis l. ult. C. de revoc. donat. Generaliter sancimus omnes donationes lege confectas firmas illibatasque manere. Juvari enim nos, non decipi beneficio convenit. l. in commodato ff. commodati.

Excipe 1. Si donatarius ingratitudinis vicio labore: cuius numerantur quinq; species in le. cito. Prima est, si manus impias donotari inferat. Secunda, si atrocem contumeliam vel injuriam in eum properat. Tertia, si grave damnum bonis iplus conciliet. Quarta, si vita ipsius infidias struxerit.

fruxerit. *Quinta*, si conditionem apposita donationi implere voluerit. *Abb. c. ult. de don.* Cum autem praedicta penal sit, ad similes casus extendi non debet. *V. Melon. Tit. 44. n. 25.* Quid vero, inquis, si iuramento firmata Donatio sit? nihilominus revocari poterit, quia iuramentum sequitur naturam actus, cui superadditur. Cum ergo valor donationis pendeat à praedictis quinque casibus, adeoque; donatio sit conditionata, cessante conditione perit substantia actus, & quod adhæret illi iuramentum. *Palao l. cit. n. 6.* Non sicut tamen hæreditibus etiam revocare donationem, quia jus revocationis censetur esse personale, quod non egreditur limites suos à legibus constitutos. *l. & c. ult. de donat. ubi Glo. & alii* notant etiam in hæreditibus donatarii cessare potestatem revocandi donationem.

Excipe 2. Si donatio liberis inofficiosa sit, legitimam illorem tollens, vel diminiuens. *l. 1. & seq. C. de in off. don.* Neque hic iuramentum patris obseruit, quia in favore liberorum à Jure talis revocatio statuta est.

Excipe 3. Inopinatam proli suscepctionem. *l. si unquam C. de revoc. donat.* Nititur exceptio hæc verosimili præsumptione. Nemo enim censetur ita posteritatem suam desplicere, ut extraneos præferre malit. *Schneidevvin. l. 2. Inf. tt. 7. § sciendum n. 9.* Hæc tamen & priora sic accipienda sunt, ut Ecclesiæ nihil præjudicent: quia illius causa, non minus, quam filiorum favorabilis est. Cedendum nihilominus ulque ad legitimam filiorum, quæ illis danda Felinus in e. in præsentia de probati. *Comitolus l. 7. quæst. 7.* Expedire quoq; DD. monent ad vitandas officiones, ut quod Ecclesiæ aut Monasterio donatum est,

totum reddatur liberis, quemadmodum Aurelium Carthaginensium Episcopum fecisse. *S. Aug. Serm. 49 de diversis testatur.* Quam laudabile, inquit, factum *S. Aurelii Carthaginensis Episcopi:* Quidam enim, cum liberos non haberet, nec speraret, res suas omnes, reservato sibi usufructu donavit Ecclesiæ. Nati sunt ei filii nec opinanti, reddidit Episcopus eis, quæ donaverat. In potestate habebat Episcopus non reddere, sed jure fori, non poli. *Sylv. V. Donatio l. n. 16. Tholos. l. 28 c. 9. & 13. Afor. III. l. 11. c. 8. Leff. c. 18. D. 14. Laym. l. 3. tr. 4. c. 12. n. 17. Tanner. III. D. 6. q. 3. D. 2. Vallen. l. 3. tt. 24. §. 1. n. 7. Vivianus in c. ult. de donationibus. Connarus l. 5. c. 10. n. 3.*

XIII. Quod diximus, inopinatæ prolis ortu donationem revocari usque ad legitimam, intelligi volumus de donatione bonorum omnium ac juriū acquisitorum, non vero acquirendorum. Unde renunciatio hæreditatis nondum aditæ, sive ea delata sit, sive tantum sperata, prolis insperatæ susceptione non revocatur. Cum enim citata lex exorbitans sit, de donatione semel factâ revocanda strictè interpretanda est, ut non intelligatur, nisi de donatione propriæ dictâ, quæ est juris acquisiti, non vero acquirendi. *Covar. l. 1. c. 19. & Tusclus Concl. 712.* cum aliis multis quos magno numero allegant.

XIV. Donatio remuneratoria eo modo, & iisdem causis, quibus donatio simplex, non revocatur. *l. si pater ff. de donationibus.* ubi disertis verbis edicitur, revocationi locum non esse, nisi in donationibus omnino liberis, & gratuitis, quia initiat contractus se habet. Quam ob causam supra usi de industria

Mm 2 sumus

sumus terminis, qui donationem simpli-
cem exclusivè denotarent. *Gloss. 2. in l.*
fin. & ibi Bald. Salic & ali. de revoc. donat.
Tholofson. l. 28. c. ult. Onnatus disp. 30. Sect.
12. Palao disp. 2. Pun. 22.

XV. *Donatio causâ mortis revocari*
potest 1. quandocumque penituerit do-
natorem. 2. Si cesserit periculum, cuius in-
tuitu promisit. 3. Si donatarius ante do-
natorem vita excedat. Si autem, qui pro-
misit, & donavit, non revocaturum se
juramento edixerit, in donationem in-
ter vivos factam mutabitur. *Covar. de te-*
stiam. par. 2. n. 37. Tholof l. 28. c. 14. Reginald.
l. 25. c. 61. n. 619. Dynus Consil. 44. Onnatus
disp. 31. Sect. 6. Tuscius Conclus. 672. Melon.
l. cit. num. 57.

XVI. *Si donatio ob causam præteri-*
tam, vel præsentem fiat, ea non subsisten-
te invalida censetur, nisi donator actu,
vel habitu ita affectus sit, ut putetur, ni-
hilominus velle illam valere. *l. 1. C. de dona.*
sub mode. Tuscius Concl. 631. & 636. n. 22.
Ratio, quia ejusmodi donatio involun-
taria est, & ex errore profecta. Neque
ignotum est, alios quoque contractus
concidere, quibus error & ignorantia
causam dedit. Si tamen res absolute do-
netur, nec circa substantiam rei, vel per-
sonam donatarii error sit, aut substi-
tiam ipsius actus: sed solum circa condi-
tionem accidentiarum, aut causam secu-
dariam, non erit planè irrita, quamvis ar-
b:trio donantis revocari queat. Donata-
rius autem, si non fuit erroris causa, re-
tinere donum potest, donec revocetur.
Medina: in 22. q. 24. *Lefse*: 18. D. 17. At, in-
quius, unde sciām, quomodo affectus fue-
rit donator? R. ex conditione dantis &
accipientis; item ex causa propter quam,

quæ si non excludat alias censeri potest,
ratam velle donationem suam. Exemplū
in paupere habes, qui morbum, vel san-
ctitatem simulat. Movetur ad dandum
Cajus, quia putat sanctum esse, quodli-
cet verum non sit, verum nihilominus
est pauperem esse. Censetur ergo ele-
mosynā dedisse pauperi propter Deum,
sive sanctus sit, sive non sit. Vnde nec ad
restem obligamus id genus hypocrita,
quia intentio donantium est, in paupere
promoteri gratiam Dei, qualisunque
tandem ille fuerit. *Lefse*: cit. n. 13. *Sotol.* q.
q. 7. art. 3. *Mascard. Concl.* 560. *Fagund.* l. 4
c. 4. num. 4.

§. 4.

Satisfit Dubiis circa donationes.

DVB. 1. An & quomodo locum sub-
inde habeat *Donatio tacita*?
Resp. Sola rei traditio tacitè facta non
sufficit, ut donata censetur. Vnusquis-
que enim ad lucrandum & acquirendū,
quam relinquendum penior esse præsu-
mitur. l. cum de indebito ff. de probat. Bar-
tolus igitur ex conjecturis discernēdum
monet. l. que dotti ff. solu. matr. Conjectu-
ra autem sumi potest ex antecedentibus,
subsequentibus, & præsentibus. Puta 1:
ex contanguinitate. Hinc quæ dantur à
consanguineis sponsæ, acquiruntur vi-
ro, quia donata censetur, & quæ à con-
sanguineis viri, acquiruntur sponsæ ob-
eandem causam. Barb: in l. si plures §. in ar-
rogato ff. de vulg. & pupill. institut. Meno-
chius de arbitr. Casu 88. 2. Ex meritis, &
obsequiis præstatis. Post hæc enim quod
datur pro dono, & munere suscipitur. l. si
verò non remunerandi §. Idem: Papinianus ff.

Mandati-